

sicher geworden. Schließlich formte er nur vorn über der Stirn eine Erhöhung und dahinter ein Becken, sozusagen für die Erde und den Samen.

Dann verhüllte er den Kopf.

Der Gedanke mit dem Gras ließ ihm aber keine Ruhe. Eines Abends fragte er seine Frau, was sie davon halte.

„Aber, Pittet“, sagte sie so schnell und sicher, daß er überrascht war, „so was tut man doch nicht. Unserm guten Reichspräsidenten Gras auf den Kopf zu säen. Du bist wohl!“

Da ließ er es. Ein wenig schmerzlich war es ja für ihn.

Nachdem er nun auch das Haar geformt hatte, enthüllte er im Beisein von Pastor Asmus und der Meisterin den Kopf.

Alle betrachteten ihn still.

„Es ist gut“, sagte Asmus. „Sieh, nun scheint die Abendsonne auf die linke Hälfte. Sie segnet Dein Werk.“

Pitter stand voll Glück da. Verlegen strich er sein Bocksbärtchen.

Viele Leute haben sich diesen Kopf seither angesehen. Es stand auch in der Zeitung, daß die Töpferhände von Pittet Potthan, die nur gewöhnt gewesen seien, einfache Blumentöpfe zu formen, nunmehr ein Werk geschaffen hätten, das eines Bildhauers würdig wäre. Es sei ein Stück echter Volkskunst, mit Liebe gearbeitet.

Nicht lange danach lag Pittet im Sterben. Er ließ sich sein letztes Werk ans Lager bringen und sah es lange prüfend an. Er richtete sich noch einmal mühsam auf und zeigte auf die Augen des mächtigen Kopfes, als müsse an ihnen noch etwas geändert werden. Er vermochte aber nicht zu sprechen und sank entseelt zurück.

Der Kopf stand lange auf der Kommode im Kämmerchen der Meisterin. Nach ihrem Tode wanderte er in die Studierstube des Pastors Asmus, wo er heute noch steht.

„Den Wilm sinnen asten Blotstott“

Eine Erzählung von Studienrat Dr. Zorn, Dinslaken

In Plattdeutsch bearbeitet von P. Heckermann, Gahlen

En nett und pläserlich Kärlken was den Wilm, dat muß öm de Neid loten, wenn he ok so näwenbi den gröhzen Ströper in't ganzn Dörp was. Schlank wie en Waterloje was he gewassen, sinne Ogen, de so düster wären wie den Kolk achter in't Venn, sögen jeden an als wöllen se frogan, frogan, frogan! Rund und rot wie en Paradiesappel bleuhnen sinne Backen und kaschroje Lipsen ümsümen sinnen kleinen Mund, den he so nickelig verträcken kuß.


De Fraulüh hädden den kleinen Ströper besonders gärn. Kinne Tante ut de Noberschop ging an öm vorbi, ohne öm äß äwen över de runde Backen te stricken. Und alle hädden se wat so öm öwer. De ene schenken öm en Appel, de andere en Pär, wijer andere en Babbeljen, en Möpken, en Beschütt, oder wat se süß so handgripplick hädden. Wilm kennen all de Tanten und hat se klassefezert. Fo öm gof et de Plätzkestante, de Babbeljestante, de Appeltante, de Quetschentante und noch ene besondere Sorte, de nömen he de Giztanten. Dat wären de Tanten, de hädde ümmer grade niß in Huf oder bi sick, bi de wodden de Appeln ni ripp und de Babbeljestute was gerade lág gewodden.

Den Wilm was wörklich en Kärl van en Jung, an den jeder sin Freud hat. Nich bloß de Groten hädden öm gärn, ok sinne Glicksöldrigen. Wodden gespelt, so hat he et Kommando, und me muß sich wündern, wi selwst de Groten op sin Wort lustern. Me hat ordlick sin Freud dran, wenn me de kleinen Ströper sog, wie he dor stunn mät sin düster blinkende Ogen, sin rund frisch Gesich, dröver sich de schwatten Hoare krüllen, dat de wijenspenzigen Locken in de Sterne hingen. „Kruse Hoar, krusen Sinn, mestens sitt de Dübel drin“, so hät en oll Spröckwort. Ok den Wilm hat sin Düwelken. Bi alle dummen Streke und Fitten was he dorbi, und sinne Delders hädden wat optepassen und te stellen mät öm. Dat Schlimmste aber was, hat Wilm äß wat utgefrädden, und sinne Delders wollen öm regeln, dann stünnen glicks drej Schuhengel vo öm. Und düsse drej Schuhengel wören sinne ölderen Süsters. Et schlimmste aber verwennen dat Käfjen den Broer. Käte oder Käfjen was Scholmeistersche van Proffession. De Scholblagen hat sie in Raison, und wenn se in de Klasse kem, was alles still und lustern. Et was bekenn (bekannt), dat se nich bloß en dücktige Scholmeistersche wor, borbi de Blagen wat lähren, sundern se kuß ok mät de Blagen ümgohn und se erträcken. — Aber bi Wilm versagan alle öhre Grundsäze, se hat an den Jungen emol en Narren gefrädden, und dann versag de besten Grundsäze. Wilm was nich dumm, und wenn öwer sinnen schwatten Krüllkopp sick wijer en Gewitter bi-ehn trock, weil he örges wat utgefrädden hat, dann verkrop he sick achter dat Käfjen äß Bližasleiter.

So was den Wilm enes Nommedags, et was den Dag vo sinnen seßten Geburtsdag, an den Rhin op de Kribben gelopen und hät Papierschäpkes schwimmen loten. Sinne Schoh und Hohsen hat he utgetrocknen, de dröffe nich ratt wodden, in sunne Saken verstunn sin Moder kin Spaß. Sinne an und so sick all kotte Buge hat he noch äß ümgekrempelt, so dat he bloß noch son Schinkensäckskan an hat. So satt he vür op den Kribbenkopp in't Hüksken, lag kleine Stene in sinne Papierschäppke, und let ene no't andere den Rhin herunder drieven. Ganz so in sin Spell verdept, hört he op emol achter sick en Hund blöcken. Verschrickt dreicht he sick üm und sütt noch grade, wie Nobers Spiß, den öm nogelopen is, sick mät sinne Hohsen verlustiert und ene dorvan grad in hogen Bogen in't Water fällt. Wilm springt op, nämmt en Sten, schmitt no den Hund, und löpt no sin Hohsen und Schoh. Te late. — Den Hohsen kuß he nich mähr kriegen. — Dor stunn he nu mät en bedrōw Gesich und sog sinnen langen schwatten Hohsen dür dat wellige Water driewen. — Dann lachen he op emol, bücken sick und sag: „Mät enen mäck me ok nix“, nomm den twedden Hohsen und let öm ok schwimmen. De schlenkert sick dürt Water wie en Dal, dach he bi sick, und sog öhr noh, büs se nich mähr te sehn wören.

Intüssten was et Tid fo no Huß. Wi Wilm no sinne blecke Bene in de Schoh stock, do wodden et öm doch son bettken anders te Mote. He käck noch äß de Rhin herunder, van sinne Hohsen was nix mähr te sihn! Watt soll de Moder wall säggen? — Doch Wilm kem selten in Verlegenheit, he wuß wat he dej! He schleken sick einfach still no Huß, ging in sinne Kamer und lag sick in't Bäd, dann kuß de Moder jo nix märken.

Aß dürt de Weje, dann achter Hägggen und Hüsder hen, was he ungesehn no Huß gekommen. Blecke-Barfots ging et de Trappe herop, und en, twe, drei lag he utgetrocknen in't Bäd. Schlopen kuß he noch nich, ok knörren öm de Magen, denn et was öm de Obenseftentid. Dor op emol wot he geropen. He gäf kin Antwort, trock sick de Küssens öwer de Kopp und lustern. „Wilm“, rüpt et dürt Huß, Düren klappt, „Wilm“ rüpt et op den Hoff, „Wilm“ rüpt et op de Strote. „Wilm“ repen Moder und Süstern. Wilm aber goff kin Antwort, he lag müskesstill in sin Bäd. — Dat se sick Sörgen öm em meken, kem öm nich in den Sinn. Ok dat se öm schließlick hier fünnen, und wat dann passieren dei, doran dach he gar nich.



Brot und Arbeit

Foto: P. E. Kley

Wilm wodden intüßen öwerall gesog, bi sinne Frönde und Bekennen no-
gefroeg. Nümmes hat Wilm gesehn. Dor kömmt Käte no Huß gerennt, Frau
Schmitz hat van nommedag den Wilm an de Rhin op de Kribbe gesehn! — In
Dodesangst lepen se no an de Rhin. — Van Wilm was nix te sehn und nix te
finden. Moder und Süßtern bröcken in Trönen ut, de Nobers wören alarmert,
opgeregt kemen se in't Huß und gingen wijer, öm den Junge te söken. — Hein,
wat den ölderen Broer van Wilm was, stunn an de Pöste te kieken. — „Goh
in't Bäddde, Junge“, sag sin Moder, „du kaß uns doch nich helpen“. — Hein
mek sich still derdür und trock no bowen, bor he mät Wilm dat Schlopzimmer
dehlen. En Ogenblick later rüpt he de Treppe herunder: „Moder, den Wilm
is hier, he lät in't Bäddde und is ganz wackerig!“

No stöwen se all de Trappe hoch. — Richtig, dor lag Wilm vergnüg in't
Bäddde. He kreg zwar en rojen Kopp, az he fröndlick „gujen Obend“ sag und
so ganz dumm näwnbi frogan: „Häpt je all gegäten?“

„Jong, bor büßte gewähz? Wat häft du gemackt? Fühlst di wat? Büßt du krank
oder wat is di?“ rep sin Moder mät van Angs und Sorge bewerde Stimme.
Und doch sog me öhr Gesich an, dat se glücklich was, dat se öhren Jungen wijer
hat, und dat öm nix passert was.

„Nix“, goff Wilm to Antwort, „ich häp bloß Schäpkes schwimmen loten“.
Sofot beföhlen de Moder sin Lüch, wat öwer den Stohl hing, et was dröge. —
„Bor häz du dinne Hohsen“, frög se dann. Wilm käck vo sick hän öwer de
Decke, dat düren son Stod, dann sag he ganz stöckerig: „De, — de — sind no
Holland geschwummen!“

Völl Klöppé hät Wilm nich gekregen, de Moder was jo so froh, dat öm nix
passert was, aber Strofe muß sien, also muß he ohne Obendefften schlopen.
Aber ohne dat de Moder et wäffen, brog öm Käte doch en düftig Botterbrodt
no bowen. En Stunne later kömmt de Moder herop und hät ok en Botterbrodt
op en Teller. „Na, Junge“, säft se, „so düt mol fall et di noch az vergäwen
sien, hier häft du ok noch en Botterbrodt.“ — „Danke“, säft Wilm ganz klein,
„aber ich kann noch nich etten“. De Moder menen, öhre Mahnungen seien
öm so te Halten gegohn, dat öm noch de Apptit verschlagen was. So sat se den
Teller op den Stohl tägen dat Bäddde, bücken sich öwer den Jungen und sag:
„Et is jo nu alles wijer got, min Junge, aber so Sörge draftst du uns nich wijer
maken, — no schlop got.“ Dann gof se öm noch en Küszken op dat roje
Kaschenmülken, krauen noch emol dür sinne Locken und ging. Wilm aber was
froh, dat alles noch so got afgegohn was, sinne Gedanken aber wären an den
Rhin. Im Drom sog he noch sinne schönen lange schwatten Hohsen wie en Dal
sick dürt Water schlängeln und lachen.

En Johr later. — Wilm sin Vader hat en Fätken „Ahrbleichert“ kommen
loten und selwst op Fläschchen getrocknet. Noch nich saß verkörkt stunn den
Wien in de Kelder, dor kem Besök. De Fraulüh müssen en paar Fläschchen
herop hahlen und dann wodden geprüf. Wilm, den tägen de Glasderkaste op en
Stohl satt, käck andächtig to und lustern. De Fraulüh hädden so völl te vertellen,
dor kuß he gar nich so gau mät kommen, aber Vader und den Ohm Gottfried,
de vertellen wänniger, aber se drünken üm so mähr. Überhaupt den Ohm
Gottfried, den drunk so komisch, den schlörfen den Wien wie de Blagen de
Melk ut en Underschöttelken, dann käuen he op den Wien herüm, verdreihen
sinne Ogen und schlucken en paarmol. „Got, got“, sag he tüm Vader, „best
got!“ Komisch, dach Wilm bi sick, Vader säft ümmer, in Wien is Alkohol,
und Alkohol is Giff so Kinder, und se selwst drinkt öm wie Zuckerwater. He
schnüffeln noch son bätzken den Wiengeröck in, aber ant leste wodden et öm
langewielig in de Kamer und he ging herut. He ströpen so dürt Huß und weil
de Kellderdür grad loß stunn, ging he ok az in den Kellder. Dor lag op ne

Kiste, rechts und links mät en paar Backstene faszgeklemmt, dat Wienfatt; — dovo stünnen de vullgefappten Fläschchen.

Bedächtig nomm Wilm ne Fläschje op, dreijen se hen und her in de Hanne und hel se dann tägen dat Sunnenlich, dat düür dat Kellderfinster herin schien. Dat löchen so schön rot und klor, aber derdür sehn kuß he niz. — Und dat soll Giff so Kinder sien? — Komisch, bowen deijen se dran herüm rücken und drinnen und bestrusen dat Zeug, az wenn et niz Schönderet zum Drinken göff. Und doch soll et Giff sien? — Nä, drinken woll he niz dorvan, aber az rucken, rucken kuß öm jo nich schaden, dat hädden se bowen jo ok gedohn. — Noch emol hel he de Fläschje tägen't Lich und schon hat he den lossen Stoppen in de Hand. He lustern noch az tägen de Trappe, ne, he hören niz. Dann schnüffeln he öwer den langen Fläschchenhals. „Dori nochmol, rückt dat läcker“, sag he so sick hen und stock de Nas ümmer wijer op de Fläschje. Söll he nu az drinken? Nä, drinken woll he nich, dat war jo Giff, aber proberen, bloß so az äwen an de Lippen lopen loten, dat kuß doch nich schajen. — Schajen kuß dat bestimmt nich, den bowen drünken se en Glas no dat andre herunder, und he was doch ok all in de Schole. Vorsichtig nom he de Fläsch an de Mund und bühren se langsam hoch; az kem niz, dor op emol sag et „kluck“, und en ördlichen Schött lep em in de Mund. Gau satt he de Fläschje af und schlucken. Und dat soll Giff sien? Nä, so schmeck kin Giff. Ohm Gottfried hat räch, dat schmek best got. He proberen noch ens. Jo, dat mog he ok wall drinken. — Et lüssen em no mähr, aber wenn he noch emol drunk, dann küssen se et bestimmt an de Fläschje sehen. Aber Wilm wußt sick Rot, he nom koferhands de twedde Fläsch und drunk dor de Kopp af. Dat merken bestimmt nümmes. Doch dobi bleuw et nich, he har nu emol Geschmack darvan gekregen, und so drunk he ok van de dadde, vadde und fiste Fläschje den Kopp af. — Op emol wodden et öm so komisch und schwumrig vo de Ogen, bor äwen noch en Fenster was, dor sog he op emol twe, dann sog he wijer en. — Dor begünnen de Fläschchen op de Grund te wackeln, — den ganzen Kelder begun sick üm öm te drehen. He woll sick op de Trappe sätten, dobi stott he sick gehörig an den Inmaksschrank. De kolden Trappensteinen deien öm got, aber he föhlen doch, dat et öm ümmer schlechter wodden. — Jezt was et öm ganz klor, — he hat sick vergiff.

Nu öwerkem em dat arme Dier, he hel sick den Buck mät beide Hanne fasz und ging langsam de Trappe herop. — Bowen in de Flur treff he de Moder. De verschrickt, az se den Wilm sin blek Gesich un de glosigen Ogen sütt, nich schlech. Gau nämmt se den Junge under de Arme und brächt öm in't Zimmer. Große Opregung in de Kamer. — Alles will wäffen, wat passert is. — Aber de Opregung hät Wilm de lästen Rest gegäwen und he kann bloß noch lallen: „Ich sin vergiff!“

Dor passeren dat Schrecklichste; wie de Moder den Jungen op dat Sofa läggen will, dor löpt en dicken Blofstrohl ut sinnen kleinen Mund. Noch emol schlöt he schwak de Ogen losz, und dann sinkt he blek und wie dor in Moders Arme ineinh.

„Sofort den Dokter hahlen!“ hätten et. En Glück, dat den tägenan wonnen, und so was he in twe Minuten dor. — Wilm lag op dat Sofa wie dor, den Ojem ging noch ganz schwack, süß gos he kin Läwensteken van sick. — De Moder und Süstern hülen in öhr Täschendok, Vader käck bedröh op sinne Jung, den Besök aber was nich wat he maken soll. Dorbi was den Junge noch vo ne godde Stunne frisch und gesund bi öhr gesälten! Et was klor, Wilm hat en Blofstoff gekregen, und dat was schlumm. — De Dokter nomm sick en Stohl und satt sick tägen den Jung an dat Sofa, nomm sinne Hand und föhlen de Puls. Dann bücken he sick öwer öm und tock öm die Ogenleder utehn. — Op emol geht de Dokter mät sinne Nase herunder, berückt dat blotnatte

Tüch und frög: „Hät den Wilm Wien gedrunken?“ „Nä“, sag sin Vader, „de Junge hät sin Läwen noch kinnen Wien gehatt!“

„Doch“, sätt de Dokter, „de Junge mut örgesbor Wien gehat häbben, denn dat is kin Blot, dat is Rotwien!“

Dor ging de Vader en Lich op, soll de Junge ok in de Kellder an den Wien gewäzz sien? He ging herunder. — Richtig, dor stünnen de angedrunkenen Fläschen, an twe was de Stoppen noch af. No was alles klor, den Wilm hat sick mät roje Wien vergiss.

Wilm wodden no bowen in't Bäd gebrach, und dann schlep he büs an den nächsten Middag. Under de warmen Küssens dor bowen hät he dann glücklich sinnen asten Blofstott öwerstohn.

Nommedags hät de Vader öm noch äz gründlich den Kopp gewaschen, und so völl ich wet, hät Wilm dornoh kinne Blofstott mähr gekregen.

Der Hof

Wie breit und wie gehäbig liegt er da,
Umschwärmt von Bienen und vom Ruch der vollen Blüten.
So schön, als wollt' der Herrgott dies Stück Erde hüten,
Das ihm in Schöpferlaune wohlgeschah.

Die alten Pfannen glänzen rostig in dem Lichte,
Und reichen fast hinab bis auf den Gartenzaun.
Ein jeder Mauerstein trägt seine eigene Geschichte - ;
Vergangne Zeit hat hier ihr Äntlitz eingehau'n.

Die schiefen Balken zeigen Zahlen noch und Zeichen,
Und überm Türkreuz steht ein halb verwischter Reim.
Und vor dem Haus die Bank aus rohgehau'nen Eichen
Lud manchen Ähn aus dem Geschlecht zur Ruhe ein.

Und viele kamen, schritten dienend durch die Zeiten,
Doch die Gesichter und der Hof, sie blieben immer gleich;
Sie bildeten in sich ein festgefügtes Reich.

Jetzt blüht der Hof! Und fern auf Ackerbreiten,
Seh' ich den Bauer mit dem Sätsch schreiten,
Treu der Bestimmung seiner Ähnen gleich.

Joseph Hugo Winz